



Address:

**Mu bulanda bonse ubo usanga,  
Mu kushuka konse, mu kupelelwa,  
Pende fintu fyonse Lesa akupa,  
Cine uletasha pantu fyafula.**

**Pende fintu fyonse fisuma,  
Pende fya bupe bwa kwa Lesa,  
Penda kale, penda na nomba,  
Cine uletasha pantu fyafula.**

**Wafininwa no kucula we mwana;  
Ulupanda nausenda lwafina;  
Pende fintu fyonse Lesa akupa,  
'Lwimbo kumutotela ulesanga.**

**Nomba mu kulwisha konse witendwa,  
Lesa mukalamba alekumona,  
Wene aishibe nshila uleya.  
'Lwendo lonse 'Mwine akulakwafwa.**

